

TSAB NTAWV XOV XWM ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab,
Cov Chaw Npaj Cov Kev Pab, thiab Cov Neeg Ua Hauj Lwm Rau Alta



Hais ntxiv txog peb tug
kws txawj kos dua **Jemel
Williams** pg. 8

TUS NEEG SAIB XYUAS KEV KHIAB HAUJ LWM COV LUS TSHAJ XO

Executive Director Lori Banales

Txog caij nplooj zeeg lawm thiab huab cua hloov, rov qab muaj zog rau peb ub koom haum rov pib mus ncav kom cuag peb tej hom phiaj. Peb tau tsim tsa ntau yam tes haujlwm uas yuav muaj feem rau peb cov hom phiaj Strategic Plan, Performance Contract thiab ntxiv tom ntej, ib yam uas yuav ua thoo plaws lub xeev, Performance Incentive Measures. Cov neeg zej zog tau qhia rau peb paub tias tej yam twg tseem ceeb rau lawv thiab ACRC tau npaj tseg yuav ua raws li tej lus tau hnov los ntawm pej xeev. We zoo siab uas muaj cov phaj tsab uas nquhuag npaj thiab nqis tes rau tej yam uas peb yuav ua rau yav tom ntej. Nyob rau 2 lub hlis tom ntej no, ACRC mam li qhia tawm seb tes haujlwm Performance Contract mus li cas lawm nyob rau xyoo tsaib no thiab nug cov neeg zej zog seb lawv xav li cas ntxiv. Yuav pab tsim tsa tej kis las li cas ntxiv kom pab sawvdaws mus ncav hom phiaj raws li lub xeev pom zoo. Peb muaj ib tug email uas txais koj tej lus pom zoo tas li: performancecontractfeedback@altaregional.org. Tes haujlwm no yuav muab tham rau Pawg Tsav Xwm Rooj Sib Tham nyob rau Lub 11 Hlis, 2022. Mam li muab ceeb toom rau sawvdaws paub

MUAJ DAB TSI NYOB HAUV TSAB XOV XWM NTAWM NO:

- TSAB XOV LOS NTAWM ED
- LUS QHUAS COV NEEG UAS PEB PAB
- ROOJ SIB THAM RAU TAGNRHO COV NEEG UA HAUJLWM
- RAU COV NEEG PEB PAB
- HNUB SANTA 2022
- QHIA TXOG COV KWS MUAJ KEV PAB
- QHIA TXOG YAM TSHIAB NTAWM TEJ KEV PAB
- ACRC MUAJ PES TSAWG LEEJ
- QHIA TXOG TUS KWS KOS DUAB

Txuas ntxiv rau phab 2

TUS NEEG SAIB XYUAS KEV KHIAV HAUJ LWM COV LUS TSHAJ XO - TXUAS NTXIV

Executive Director - Lori Banales

Tes haujlwm txhim kho kom muaj kev pab zoo kuj tseem ceeb heev rau ACRC, thiab txoj kev pab kom fais fab rov tsim tau nws tus kheej (renewal energy) thiab ntsig txog kev pab rau cov neeg ua haujlwm. Nyob rau Lub 8 Hli, Tagnrho Cov Neeg Ua Haujlwm sib ntsib thawj zaug tim ntsej tim muag txij li thaum Lub 5 Hlis, 2019 los tsis tau sib ntsib li. Hnub ntawd muaj kev zoo siab heev! Peb tau sib ntsib nrog lwm leej lwm tus uas peb ua haujlwm nrog ua ke uas tsis tau sib ntsib ntev hli lossis ntev xyoo lawm, thiab tau ntsib cov neeg ua haujlwm tshiab pib txij li Lub 3 Hlis, 2020 los. Peb tau ua koob tsheej nco txog txoj kev pab uas peb muaj ntau xyoo, qhia txog cov neeg peb pab uas muaj txujci thiab kuj muaj kev cob qhia mentsis thiab. Peb xaus rooj sib tham tom qab noj su tag thiab rov mus sib tham dua. Kev rov tuaj sib ntsib sib cuag dua txhawb kom muaj kev sib raug zoo thiab kom sawvdaws ua tau haujlwm zoo ua ke. Tau muaj tej kev zoo siab ntiv nrog kev hloov huab cua uas pab kom sawvdaws mob siab ua haujlwm.

LUS QHUAS COV NEEG UAS PEB PAB - COV NEEG PAB LWM TUS YOG LEEJTWG LOS MUAJ TAG

Placerville Office Service Coordinator - Diane Morris



Yog ib hmo uas ib txwm muaj rau tsev neeg thaum Matthias, uas muaj 5 xyoos, thiab yog ib tug menyuam uas mob autism thiab txais kev pab los ntawm Alta, pom nws pog “Gaga” hnoos nrov nrov heev thiab ua pa tsis taus. Nws cia li maj nroos hu rau 911 thiab mus tsa nws niam qhia tias nws pog Gaga ua tsis taus pa thiab nws tau hu mus cuag kev pab lawm. Cov kws kho mob tuaj txog thiab pom Gaga, uas yog ib tug neeg mob ntshav qab zib, muaj ntshav qab zib siab tshaj li 800 lawm thiab yog tias 30 feeb tom ntej no, nws tsis txais kev pab ces tej zaum nws yuav mob tsis xeev mus ntev heev. Tau muab Gaga maj nroos coj mus rau chav kho mob loj ICU thiab nws tau pw hauv tsev kho mob tau 4 hnub.

Matthias tau quaj thaum lawv coj nws pog mus lawm thiab cov tub tua hluav taws tau tuaj qhuas nws tias nws ua tau zoo heev thiab muab ib daim ntawv nplaum rau nws thiab hais tias nws yog ib tug menyuam tub tua hluav taws lawm. Gaga tau rov qab mus tsev thiab tsev neeg qhuas Matthias heev vim nws paub coj li cas thaum muaj xwm ceev. Matthias niam qhia tias Matthias yeej paub tshaj li nws hais qhia tawm thiab nws ua tsaug rau ABA txoj kev pab vim lawv tau pab nws kom paub ua yam ub yam no thiab txawj yam ub no, nrog rau txoj kev pab txhawb uas tsev neeg tau ua rau nws thiab. Ib lub sijhawm tshwj xeeb heev nrog cov neeg uas peb pab. Pom tias peb sawvdaws yeej muaj cuab kav ua tau tej yam zoo.





Alta California
Regional Center

Rooj Sib Tham Rau Tagnrho Cov Neeg Ua Haujlwm

Koob Tsheej Nco Txog



Tsim Kom Muaj Tej Yam Nco Txog



Kawm Ntxiv



Lub 8 Hlis 2022





LUS QHUAS COV NEEG UAS PEB PAB MATT HARMETZ

Nyob zoo sawvdaws, kuv lub npe hu ua Matt Gareth Harmetz. Kuv muaj 30 xyoo thiab tau ob peb lub hlis los no, kuv tau mob siab sau phau ntawv txog tej yam kuv tau raug xws li kev mob neurodiversity, Dyspraxia, thiab Autism. Tej phau ntawv uas nyeem pab tau yus txhawb kom kuv sau ib phau thiab. Kuv nyeem tag ob phau ntawv uas yog tus kws sau ntawv Devon Price sau: “Laziness Does Not Exist,” thiab “Discovering the New Faces of Neurodiversity Unmaking Autism.” Ob phau ntawv no pab txhawb kuv “taug txoj kev uas tibneeg tsis tshua taug” thiab pab tawm suab rau kuv tus kheej thiab tawm suab rau lwm tus.

Tom qab lav ntawv ntawm UC Berkeley tag, kuv tau ua haujlwm rau ib lub tsev tos txais qhua/tsev twv txiaj uas loj heev nyob hauv Las Vegas uas yog txoj haujlwm cob qhia cov nai. Txoj haujlwm no nyuaj heev rau kuv ua vim kuv mob Autism thiab Dyspraxia. Kuv cia li pib nyuaj siab thiab thaum ntawd tsis tau yog ib neeg uas txais kev pab cuam – thiab tsis paub mus nrhiav kev pab rau qhov twg.

Tom ntej ntawd, kuv tau mus cuag kev pab los ntawm Mind Institute thiab lawv tau hloov kuv lub neej. Kuv tau mus pab dawb rau ntawm Fly Brave Foundation thiab qhia tej zaj lus qhuab qhia thiab yog ib tug kws pab cob qhia neeg ua neej. Zaj lus qhuab qhia uas zoo tshaj kuv tau piov yog nyob rau UCD MIND Summer Institute on Neurodevelopmental Disabilities rau xyoo 2019. Nyob rau xyoo 2020, kuv tau txais kev pab cuam los ntawm Developmental Disabilities Service Organization (DDSO), thiab lawv hais kom kuv mus pab dawb ua txoj haujlwm pab tawm suab. Qhov no ua rau kuv mus nug txog kev pab dawb rau tom Meristem, thiab tsis yog kuv lam pab dawb xwb, lawv kuj hais kom kuv ua haujlwm rau Meristem tam li ib tug xibhwb qhia neeg paub txujci ua haujlwm thiab ua ib tug cob qhia Transformative Autism Program (TAP). Tsis tas ua haujlwm rau Meristem xwb, kuv kuj haujlwm rau lub California State Treasurer’s Office uas tshuaj xyuas pab pawg CalABLE, yog ib qho txheej xwm pab rau cov neeg cev tsis meej xeeb kom paub tseg nyiaj thiab paub ua se.

Lub tswv yim uas kuv xav qhia rau ib tug neeg twg uas xav sau ib phau ntawv lossis xav ua ib tug neeg piov tej zaj lus qhia yog “cia li pib xwb”. Thaum pib yeej nyuaj kawg. Tom qab koj sau thawj kab lus, ces koj tej kev xav thiab tswv yim mam li caum qab!

Nyob rau lub sijhawm kuv tsis muaj dabtsi ua, kuv nyiaj ua plaib hu ua “Magic: The Gathering” thiab saib tas lauv Anime. Yog xav paub ntxiv txog kuv phau ntawv uas yuav luam tawm tom ntej no thiab sau mus txog li cas lawm, thov mus saib tej vas sab social media uas kuv muaj hais txog Autism thiab yuav muaj kev kub siab li cas.

Facebook: <https://www.facebook.com/Matt-Harmetz - Actually-Autistic-and-Neurodivergent-106206468837539/>

LinkedIn: <https://www.linkedin.com/in/mattharmetz/> - Website: <https://www.mattharmetz.com/>

PEB YUAV TAU SIB QHIA

ACRC yeej zoo siab muaj pab pawg Dream Achievers, yog ib pawg ua kev lom zem uas mob Autism, lawv muaj kev lom zem seev ceev hu nkauj rau Rooj Sib Tham Nrog Tagnrho Cov Neeg Ua Haujlwm. Lawv tsis txawj nkees li thiab peb cov neeg ua haujlwm yeej nyiam saib lawv. Cov neeg ua haujlwm ACRC uas nrog pawg Dream Achievers thaj duab - Alice, Lawrence, thiab Gregory. Thov mus xyuas lawv li Facebook, uas muaj kev teem caij rau lawv tuaj ntawm koj los tau thiab.

<https://www.facebook.com/dreamachieversband>



RAU COV NEEG PEB PAB



Lub Client Advisory Committee (CAC) mob siab txhawb Alta California Regional Centers (ACRC) Strategic Plan, tshwj xeeb yog kev pab ntawm Vajtse. Lub CAC tab tom tsim ib daim vis dis aus los qhia txog, “kuv lub neej nyob tom tsev.” Cov vis dis aus no yuav thaj cov tibneeg uas txais kev pab tu xyuas nyob tom lawv tsev, thiab tau txais kev pab cuam ntxiv kom lawv nyob nyab xeeb hlo tom tsev. Lub hom phiaj ntawm txoj haujlwm no yog los 1) pab kom muaj vajtse los xaiv nyob thiab 2) pab kom cov tibneeg txais kev pab tau nyob tej vajtse raws li lawv siab nyiam. Lub CAC tau sib ntsib Lub 7 Hli tim 12 thiab Lub 8 Hli tim 24. Lawv tau txais kev pab txhawb los ntawm Hester Wagner, Director of Futures Explored-Film and Media Services. Yuav muab daim vis dis aus tso rau ACRC li kev cob qhia Coordinated Future Planning rau tus Service Coordinator nyob rau Lub 10 Hli tim 31.

Yog xav paub ntxiv txog ACRC li CAC thiab tej sijhawm yuav muaj rooj sib tham li cas, thov mus xyuas peb lub vej xaij:

<https://www.altaregional.org/client-advisory-committee-cac>.

COV NEEG UA HAUJLWM HAUV ACRC TES NUM



Cov neeg ua haulwm hauv ACRC pab dawb los mus npaj tej hnav khoom uas muaj cov pas kuaj mob COVID-19 thiab cov cuab yeej pab tiv thaiv tus kheej (PPE) los xa mus rau tibneeg tej tsev.

TEEV HNUB NO TSEG!!! HNUB SANTA - HNUB TSIB, LUB 12 HLIS TIM 9 LOJ DUA, ZOO DUA, THIAB SUAV TAGNRHO

Cov neeg ua haujlwm hauv ACRC tseem tab tom npaj Lub koob tsheej rau xyoo no. Thov nyob tos mam li Qhia rau nej paub ntxiv los ntawm ACRC lub vas sab social media.



QHIA TXOG TUS KWS KHO MOB - HOUR MIRACLES

*Nyob rau xyoo 2021, ACRC tau muab peev nyiaj pab rau Dejena Watkins thiab Denzell Green Community Resource Development Plan los tsim **Hour Miracles ILS** kom pab cov neeg uas txais peb tej kev pab paub siv tej twj thev naus laus ntsis. Peb zoo siab qhia txog qhov no nyob rau lawv qhov txheej xwm.*



CIA PEB TXUAS

RAU KOJ!

HOUR MIRACLES

KEV PAB RAU COV NWS NYOB NWS NYOB TSEV

Peb lub Hom Phiaj yog los pab kom muaj tej hwv tsam rau tsev neeg thiab neeg zej zog uas cev tsis meej xeeb muaj cuab kav los sib koom tau nrog lawv zej zog thiab qhia kom zej zog paub muaj txoj kev sib raug zoo nrog lawv. Los ntawm txoj kev cob qhia siv tej twj thev naus laus ntsis zuj zus mus, tej chaw pab cob qhia muaj chav kawm/chav cob qhia, thiab kev taw qhia uas pab kom paub nyob ib leeg, peb ua haujlwm kom muaj tej kev pab kom tibneeg txawj nyob taus lawv tus kheej, kom lawv mob siab, thiab txawj tej yam txujci siv tau.

Peb qiv tau tej twj thev naus laus ntsis xws li cov laptop, tablet, data software thiab service, tej twj los txhawb thiab cob qhia kev siv tej yam khoom no.

Muaj plaub yam uas pab kom peb ua tau li no, thiab lawv muaj xws li: Qhov Four Step Loaner Tech Process, peb li "Miracle Tech Crew," Empowerment, thiab peb li "Miracle Tech hub.

**TEJ PEB NTSEEG LOS KHAV HAUJLWM KOM ZOO
KEV NCAJ NCEES, SUAV TAGNRHO, KEV LAV,
KEV HWM, KEV TSI XAIV NTSEJ MUAG, KEV LOJ HLOB,
SIB KOOM ZEJ ZOG, KEV SIB LUAG ZOS, KEV COB QHIA,
KEV NOJ QAB NYOB ZOO, THIAB TSEV NEEG**



Cov neeg tuaj koom yuav pom tias yuav cob qhia lawv hais txog ntawm kev ceev ntaub ntawv tseem ceeb tseg, yuav xyuam xim nkag tej vas sab li cas, thiab cob qhia kom txawj mus yuav tej khoom twj siv ua lawv ntiag tug. Thaum koj tso npe ua tswv cuab nrog peb lawm, kuj yuav muaj ntau yam kev pab nyob hauv online uas Hour Miracles muaj kev pab siv tej rau koj thiab kuj yuav qhia txog tej koob tsheej uas yuav tshwm sim hauv zos, tej kis las, thiab tej txheej xwm ntxiv.

Cov neeg Miracles Tech Workers yog cov neeg ua haujlwm pab kom pab cob qhia tau neeg txawj siv twj. Lawv pab kom tibneeg muaj peev xwm siv is taws nej thiab cob qhia lawv ua tej yam yooj yim hauv online xws li, email/ua zoom, tiv thaiv lawv tus password, tej ntawd. Lawv yog cov kws taw qhia, cov taw qhia nrhiav haujlwm ua, cov pab dawb, tsev neeg thiab phoojywg. Lawv tej tswv yim thiab kev nkag siab zoo txog kev siv twj ua rau lawv mob siab xav pab lwm tus.

Siv txoj kev uas pab ib tug zuj zus, cov neeg Miracles Tech Workers mus cuag tibneeg raws li qhov lawv ua tau thiab mus raws li seb tej lawv nyiam yog li cas ces muab sau rau hauv Tech Access Plan (T.A.P) los thiaj paub pab txhawb lawv. Siab ntev, kev txawj sib txuas lus, kev tawm tswv yim, kev sib koom thiab sib qhia siab yog tej yam txujci uas kom txhua yam mus zoo nrog rau kev pab txhawb thiab paub ib leeg ib tug tej yam uas lawv xav tau kev pab yog li cas. (916) 671-6181 lossis email info@hourmiraclesils.com

LUS QHIA NTXIV TXOG KEV TSIM COV KEV PAB

Cov kev pab uas pauv nyob rau nyob hauv lub peb lub hlis (quarter) tag los no.

Cov Chaw los sis Neeg Tshiab Uas Yuav Los Npaj Kev Pab

CHAW UA SI/PAWG NCAWS POB

Achieve Tahoe

PW HAV ZOOV

UCP Camp

TRS County of Sac Dept of Regional Parks

TUS NEEG NEEG IB TUG ZUJ ZUS

Starpointe Consulting (PCP)

TUAM TXHAB MUAJ TSHEB THAUJ NEEG

Veasey Non-Emergency Transportation

TUS KWS SIV PAJ NRUAG LOS KHO MOB

Music to Grow On

LWM YAM KEV PAB KHO MOB

Ridgeline Pediatric – Auburn

KEV LOM ZEM RAU COV LAUS

The Cottage

KEV PAB SAIB XYUAS COV NYOB TOM TSEV

Upendo Care Services

Destined 4 Dignity

KEV COB QHIA IB TUG NEEG TWG THIAB TSEV

NEEG

Level Up Norcal

VAJTSE – MENYUAM

Peniel Care

KEV PAB HAIS LUS

Speechgeek Inc

Pathways Speech, Language, and Cognitive Therapy

Sarah Gray, SLP

VAJTSE – NEEG LAUS

Sonrise CareHome, Inc.

Emerald Home

TSIM TAWM KEV PAB RAU NRUAB HNUB THIAB KEV QHIA PAUB NRHIAV HAUJLWM UA RAU COV KWS MUAJ KEV PAB RAU LWM TUS

Cov kws muaj kev pab rau lwm tus yuav npaj rau txoj kev xaus qhov them nyiaj Alternative Services nyob rau Lub 1 Hlis tim 1, 2023, tau muaj ntau lo lus nug heev txog seb qhov txheej xwm no yuav hloov kom pab tau peb lub zej zog li cas. Nyob rau Lub 10 Hli tim 12, 2022, ACRC yuav muaj ib chav cob qhia uas cov kws pab nrhiav haujlwm ua yuav los tawm tswv yim, qhia txog tej yuav hloov nyob rau lawv ceg kev pab, xam txog HCBS Final Rule, thiab yuav siv Tailored Day Services li cas ntxiv. Lub Disability Thrive Initiative (<https://scdd.ca.gov/iddthrive>) tau txaus siab koom txoj kev cob qhia no los pab rau cov kws muaj kev pab rau ACRC.



Cov Chaw los sis Neeg Npaj Kev Pab Uas Kaw Lawm

KEV PAB HAIS LUS

Brandi Lungren - Vendor Request

TSEV NYOB

Anderson Adult Residential - Quality Assurance Issues, License closed.

KEV PAB KHO LUB CEV ROV SIV TAU LI QUB

Easter Seals Society Therapy - Sold Property with Pool

MUAB ACRC COJ LOS SAIB ZOO LI IB COV LEJ

Koj puas paub tias ACRC muaj cov neeg uas lawv pab nce 1000 tus txhua xyoo?

Cov no yog cov neeg peb pab txij li Lub 9 Hlis tim 15, 2022 los:

Early Start - 2293

Lanterman Clients - 25,418

Total = 27,711

LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS



Kuv lub npe hu ua **Jemel Shante Williams**; kuv tau yog ib tug neeg kos dua tau tshaj li 20 xyoo lawm. Feem ntau kuv nyiam kos duab txog tej nroj tsuag, thiab lwm tus neeg kos duab kuj txhawb tau kuv thiab, xws li mus saib lawv tom tej chaw tso dua saib, kev tshawb fawb, thiab kuv tej phoojywg. Kuv nyiam ua khoom coj – kuv nyiam ua hlua coj ntawm tes, saw, thiab qws ntsej. Kuv ua ntau yam, xws li siv pob zeb ua, iav, thiab tej uas ci ci. Kuv nyiam siv cov acrylic los kos duab rau hauv ib daim canvas; kuv nyiam kos tej toj roob hauv pe, tej tsiaj, thiab tej koob tsheej. Kuv nyiam muab tej xim los sib xyaw ua ke, thiab nyiam pom lub hnuv ci rau daim canvas. Kuv nyiam sib tov hmoov av los ua tej yam ub yam no thiab. Tej uas av khoom uas kuv tau puab yog ua txog dej hiav txwv, tej qwj nrhiav tau ntawm ntug hiavtxwm nyob rau ib lub hwj dej uas muaj dej ntws rau hauv yam siv lub tso dej, nrog rau ua lub dab da dej rau cov noog uas muab puab kom muaj npauj npaim, nquas liv, thiab paj. Kev tsim tawm tej yam li no ua rau kuv qhia tawm kuv tus kheej- yog tias kuv zoo siab ces kuv siv tej xim uas tsis ci heev, thiab yog tias kuv tsis zoo siab ces kuv siv tej xim uas dub thiab cov xim uas nyob nruab nrab tsis dub tsis ci.

Kuv tsim tawm tej yam li no los qhia txog kuv tus kheej; kuv muab kuv tus kheej tso rau txhua yam khoom thiab duab uas kuv tsim los.

Peb yuav tau koj tej khoom li cas? Tibneeg email tau kuv ntawm jemelwilliams84@gmail.com lossis mus cuag tau kuv los ntawm Southside Unlimited Work of Art cov kws thawj coj ntawm kev tso duab tawm. - <https://www.woastudios.com/southsac>

